

FORUM ONG TIMOR LESTE THE TIMOR LESTE NGO FORUM



Rua do Mercado Municipal , Dili Timor-Leste/ Mobile Phone +670 77998304/ 77236782/ forumong.tl@gmail.com, joao.fongtil@gmail.com/ <https://fongtil.org.tl/>

RELATÓRIU MONITORIZASAUN VASINA SEMANA DASANULU

(23 – 27 Agostu 2021)

Introdusaun

Forum ONG Timor-Leste (FONGTIL) kontinua halo advokasia liu husi enkoraja membru sira hodi kontinua halo monitorizasaun ba vasina iha territóriu tomak atu aseguira iha kualidade, efikasias no inklusivu ba retroasaun prestasaun servisu no aseguira komunidadade ninia direitu hodi asesu ba informasaun, hasa'e taxa partisipasaun vasina hanesan meius ida hodi kontribui ba prevensaun COVID-19 iha Timor-Leste.

Dadus sira ne'e rekolla liu husi ONG sira ne'ebe halo vizita direta ba fatin vasinasaun hodi hare no analiza situasaun aktual ne'ebe akontese durante no depois vasinasaun nomos atendementu husi pesoal saude atu aseguira kestaun ne'ebe mensiona iha leten.

Atu responde prosesu vasinasaun lao ho kualidade no taxa partisipasaun komunidadade masimu, FONGTIL kria ona matadalan hanesan :pontuasaun 1. ladi'ak,2. Ladún/natoon no 3. di'ak/Diak liu), atu nune'e kada semana ita bele hatene mudansa signifkante no problema ne'ebe hasoru hodi hadia ba futuro nune'e mos dadus sei analiza ho persentazen ba indikador sira ne'ebe iha.

Nune'e iha loron 23-27 Agostu 2021, membru Forum ONG Timor-Leste (FONGTIL) hamutuk 9 maka halo ona monitorizasaun iha munisipiu Lautem, Aileu, Bobonaro, Ermera, Baucau, Viqueque, Manatutu, Manufahi no Liquiçá ne'ebe kobre facilidade saúde ou sentru saude ho nia Detallu hanesan tuir mai ne'e:


Munisipiu	Organizasaun	Responsavel	Fatin Monitorizasaun
Lautem	NGO FUNERO LOSPALOS, NGO PROSPEK, A.HFTL	Rosita da Silva, Clementino da Costa, Marcos soares	Sentru Saude Lospalos, Suku Fuiloro Postu Lospalos , Sentru saude Lautem, Postu SISCA PUNU, Sentru saude Iliomar.
Aileu	Resource and Training Center(ARTC)	Quintão Alves Mendonca	Posto Saude Fahisoi, Suku Fahisoi, Posto Lequidoe, Municipio Aileu, Centro Saude Namolesso, Suko Namolesso, Posto Lequidoe, Municipio Aileu
	Haforsa Informasaun Saude (HIS)	Pedro de Jesus Amaral	Centro Saude Aileu-Vila, Suko Seloi Malere,Posto Aileu-Vila

Bobonaro	Fundasaun Haburas Moris (FHM)	Emerenciana Nipu&Juliana Moniz	Municipiu Bobonaro, Postu Maliana, postu Saude Ritabou, Sentru saude Balibo, Sentru saude Goulolo (Cailaco).
Ermera	Hametin Democrasia no Igualdade HDI	Crisanto do Carmo	Suco Samalete no Suco Fatuqero Posto Railaco Municipio
Baucau	A. UFD Baucau	Lourenco Zacarias Pinto	Sentru Saude Riamare – PA. Baucau Villa – Munisipiu Baucau
			SENTRU SAUDE BUCOLI-PA,Baucau Villa-Munisipiu Baucau,HOREX baucau. Sentru saude Uailili, Sentru saude Bucoli.
Viqueque	Knua Haberan Comunidade (KHC)	Adalgiza Soares	Postu Saude Bibileo, Suku Bibileo,Postu saude Luca, Postu Administrativu Viqueque Vila, Munisipiu Viqueque
Liquica	Radio Komunidade Tokodede	Eduardo Tchea Exposto	Sentro Saude Maubara.(Suku Vaviquinia,Posto Maubara,Municipio Liquica)
Ermera	HDI no IMI	Crisanto do Carmo no Joanico de Deus Soares	Suco Samalete no Suco Fatuqero, Sentru Saude Hatulia Vila, Katrai leten aldeia Lumutou.
Manufahi	Luta ba Mudansa	Andre Moreirra, Isaias Soares Dos Resi, Marciano De Jesus	Centru Saude Postu Turisca, sede Suku Aitemuua, sede Suku Orana

Analiza no Deskobrementu


Grafiku 1: Indikadores Total taxa partisipasaun no total taxa partisipasaun fetu no mane

Grafiku 1. Persentazen Total Taxa Partisipasaun Vasina tuir municipiu iha dia 23 to'o 27 Agosto 2021




Tuir persentazen total taxa partisipasaun vasina tuir municipiu hatudu iha interval total partisipasaun vasina hahu husi interval 0-150 iha municipiu Aileu, Baucau, Bobonaru, Ermera, Lautem, Manatutu, Manufahi no Viqueque. Husi total taxa partisipasaun ba interval 151 to'o 250 akontese iha municipiu Liquica no Total taxa partisipasaun ba interval husi 251 to'o 500 ne'e akontese iha municipiu Lautem, Liquica no Manatutu. presija esforsu atu hasae partisipasaun vasina iha municipiu nebe sei kiik.

Grafiku 1a. Percentazen Taxa partisipasaun Mane ba vasina tuir municpiu iha dia 23 to'o 27 Agosto 2021




Percentazen taxa partisipasaun Mane as iha municpiu Manatutu , Liquiça no Lautem ho total participante entre 101 to'o 200 pesoas ba semana ne'e kompara ho municpiu sira seluk hanesan municpiu aileu, baucau, bobonaru, Ermera, Manufahi no Viqueque ho percentazen ne'ebe diferente maibe nia total participante entre 0 to'o 100 pesoas deit.municpiu nebe percentazen kiik tenki esforsu makas.

Grafiku 1b. Percentazen Taxa partisipasaun Feto ba vasina tuir municpiu iha dia 23 to'o 27 Agosto 2021



Percentazen taxa partisipasaun feto as iha municpiu Manatutu, Liquica, Lautem ho participante 101 to'o 200 pesoas no iha municpiu Liquica ho partisipasaun as liu ho participante ho interval 201 to'o 300 pesoas percentazen diferente.Husi municpiu sira seluk hanesan Aileu,Baucau,Bobonaru,Ermera, Manufahi, Viqueque ho taxa partisipasaun feto ho deit interval entre 0 to'o 100 pesoas deit mak partisipa vasina.

Grafiku 2: Percentazen ba indikator ba prestasaun servisu ba programa vasina.



Iha grafiku 2 hatudu katak pesoal saude sira hatudu ona sira nia profesionalidade servisu, ita bele hare husi responde perguntas kada kategoria sira ne'be foka liu ba sira nia knaar no responsabilidade nudar gestor ba prevensaun COVID – 19 tamba ne'e ita persija tau atensaun ba pesoal saude Munisipiu atu bele halao sira nia knaar ho diak hodi aseguara taxa partisipasaun komunidadade no kualidade atendentu husi pesoal saude sira. Iha Grafiku iha leten iha dadus preparasaun lojistik no ai-moruk sei problema iha sentru vasina tamba numeru persentajen naton ho persentajen 51,11% no diak liu hetan 48,89% signifika presija atensaun no hadia diak liu tan iha parte lojistik no aimoruk vasina nain. Persentajen ba kategoria diak/diak liu ne'ebe ho valor sei kiik atu Ministeriu saude esforsu atu hadia mak prespektiva komunidadade nian kona ba vasina ho persentajen 51,11%, Nune'e mos hodi hasae konsensia komunidadade nian kona ba importansia simu vasina ho persentajen 55,56% no iha preparasaun lojistik no ai-moruk vasina nian iha sentru saude no fatin vasinasau nian ho persentajen 48,89% tamba ne'e presija esforsu makas hodi hadia armajementu no rai vasina nian ho seguru hodi nune'e komunidadade ne'ebe simu vasina mos seguru.

Atu bele hatene klean liu tan ba indikator spesifiku sira hanesan tuir mai ne'e:

1. Pesoal saude hatudu ona sira nia komitmentu no responsavel servisu liu-liu ba sensibilizasaun informasaun ne'be deskobre duni iha munisipiu 7 (Liquica, Aileu, Ermera, Bobonaro, Lautem, Manatutu no Baucau)
2. Prezensa pesoal saude sira (doutor) iha sentru vasinasau hahu efetivu ona iha munisipiu 7 hanesan Liquica, Aileu, Ermera, Bobonaro, Manatutu, Lautem no Baucau.
3. Fasilidade atu haforsa atendentu diak ba komunidadade, iha sentru vasinasau mos preparasaun lojistik no ai-moruk vasina ne'be suficiente.
4. Prezensa autoridade local iha sentru vasinasau iha hodi enkoraja komunidadade sira atu bele hetan vasinasau (Aileu, Viqueque, Baucau, Lautem, Ermera no Bobonaro).
5. Komunidadade no parte relevante sira nia konsiensia ba importansia vasinasau iha ona no hatudu duni sira hanesan taxa partisipasaun (*iha grafiku 1*) nomos autoridade sira nia prezensa ho nia papel ba hasae konsiensia komunidadade ba importansia husi vasinasau.
6. Perspetiva komunidadade no parte relevante sira relasiona ho importansia asesu ba vasinasau iha ona ne'be hatudu duni iha sentru vasinasau sira hanesan taxa partisipasaun komunidadade aumenta (feto no mane, kolaborasaun entre jestor ka parte saude ho autoridade local no chefe suku no NGO sira hahu metin. Parte ida nee'persija mantein nafatin iha futuru.
7. Progresu monitorizasaun ba hatudu katak kada semana iha ona mudansa signifkante husi komunidadade hodi hetan vasinasau no husi parte saude hatudu ona sira nia papel no funsaun loloos ba atendentu komunidadade sira inklui fasilidade saude (logistic, aimoruk,nsst). Aliende ne'e kolaborasaun entre parseirus sira hahu metin ona liu-liu ba autoridade local sira, chefe suku nomos FONGTIL.
8. Progresu importante ida mos prezensa husi ema ho defisiensia iha maibe numeru ema ho defisiensia iha sentru vasinasau ita ladun hetan tamba dadus iha sentru saude la mensiona kona ba ema ho defisiensia tamba presija atensaun mos ba ema ho defisiensia nebe ba vasina iha sentru vasinasau sira, tamba ne'e persija esforsu liu tan hodi aseguara maluk defisiensia sira seluk bele hetan vasinasau iha teritoriu Timor-leste tomak.

Rekomendasaun sira

1. Persija mantein kolaborasaun servisu diak entre pesoal saude, autoridade local no chefe suku sira iha sentru vasinasaun.
2. Persija halo kolaborasaun ho Igreja hodi asegura taxa partisipasaun komunidadade bele aumenta hodi asegura prevensaun COVID-19 neébe efetivu
3. Presiza kria kondisaun diak atu ema ho defisiénsia bele asesu mai vasina iha fatin hotu iha Timor laran tomak no presija rejistu ema ho defisiensia ketak hodi nune bele hatene numeru ema ho defisiensia hira mak simu ona vasina.
4. Presiza hasa'e liu tan kampaña ka sensibilizasaun ba fatin rural sira, no iha facilidade saúde kona-ba regra vasinasaun, kria kondisaun no organiza distánsia sosiál iha fatin vasinasaun nian Tarjetu kampaña ba Timor tomak.
5. Presiza hasa'e rekursu ema hodi kobre fatin dook sira, liu husi kooperasaun ho lider komunidadade, inklui kampaña hodi halakon rumores ka HOAX iha komunidadade nia le'et no harii fali konfiansa komunidadade nian mai facilidade saúde sira, hanesan iha Postu Saúde Letefoho, Railaco no fatin sira seluk.
6. Kompletu facilidade ijiene nian iha facilidade saúde, sentina, fatin observasaun no kadeira hodi fasilita komunidadade sira bele sente konfortavel iha fatin vasinasaun, liu-liu hanesan Sentru Saúde Uailili no Sentru Saúde Riamari
7. Husu ministeriu saude rejista mos ema ho defisiensia sira nebe simu vasina tamba dadus ba ema ho defisiensia simu vasinasaun ita ladun hetan tamba ne'e husu atu hadia mekanismu no konsiderasaun ba ema ho defisiensia sira iha baze dedus iha sentru vasina nian.